



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Procancellariatum recusat.

urn:nbn:de:hbz:466:1-41515

reddenda suit accepti & dati ratio: nec minorem ea re integrat^{is}, & abstinentiæ, quam in cetera administratione caritatis laudem ac prudētiæ tulit. Numerarūt ei pecuniam, quam pro more solūt Rectori: sed constanter negauit accepturum se quicquam. Neque enim morem societati esse præmiorum id genus sperare, aut recipere ex laboribus, ac muneribus suis. Conuerterent ipsi, si vellent, eam mercedem in alios pietatis usus. Ab unde sibi esse, quod in diem suppetat vitæ necessitati. Visi sunt perægre persuaderi: sed haud dubiè probarunt exemplum.

Maius inde certamen exceptit. Adeo enim probata Viri opera in Rectoratu: cùm Cancellarij Vicarius decessisset, exarserūt omnium studia, vt Canisius idem sufficeretur, & ipse met Albertus Bauariæ Dux, qui Guilielmo parenti vita perfuncto successerat, ea de re quam potuit graues, & accuratas ad B. Ignatium literas dedit. Est autē Pro cancellarij munus eo loco satis amplum. Nam, quia Cancellarius Ingolstadianæ Academiæ idē est, qui Eistettensis Episcopus, cuius Dioecesi Ingolstadiana quoque Ciuitas contributa est; & alia pastoralis curæ negotia cum distinent, cuncta

H 3

Acade-

stipendium
repudiatur.

Academiæ officia in Procancellarium recidunt.
 Ergo in magno is honore habetur, & præter stipendia certa, Eistetti Canonicatum habet. Quæ omnia quo magis ampla, ac quæ stuosa, hoc magis paupertatis, humilitatisque tenax Canisius refugit: eò etiam, quod procuratio illa in omnem vitam perpetua solet esse. Easdem ob causas Ignatius quoq; disertè reiecit, id solum Duci largitus, vt (si qui fortè casus vrgeret) ad tres, quatuorūc menses, citra honorum insignia, & stipendia, Canisius eas partes suppleret.

*Experiens
multas in
oras.*

Dum autem tantum Ingolstadiani certant, vt eum virum Ciuitati alligent, Academiæq; suæ, certabat permulti vt ad se, vel ad breue tempus elicerent. Inuitabatur à Præsulibus magnis in vicinas oras, maximeq; in Saxoniam à Iulio Pflugio Episcopo Numburgensi ad miserias subleuandas gentes verbo Dei, & consilio ipsos Præsules dirigendos. Canonici quoque Argentoratenses ad se summis precibus aduocabant, cum essent nuper ab Imperatore Carolo restituti suum in locū, vnde Lutherani per summā iniuriam, & impietatē eiecerant. Cumq; sui iuris negasset se esse Canisius, illi & ad Ignatium Rōmam, & ad Cardina-

Icm